

¡BOMBA!

Líderes en trabajo
mas es triste realidad:
campea informalidad,
¿quién resuelve este relajo?



K'uintsil

Miércoles 4 de septiembre de 2024

CAMPECHE · YUCATÁN · QUINTANA ROO · AÑO 10 · NÚMERO 2313 · www.lajornadamaya.mx

Ich paralímpicos keetilo'obe' máax ku cha'ane' ku kanik kéen yanak u jáawal u t'aan yóok'olal máax ma' tu paakat

Tu bosiinasil le kúuchilo', jump'éeel chaambel t'aane' ku K'áatik ti' máax'ob ku cha'ane' ka much láaj p'aatak ich cheench'enkil, ts'o'okole', ku juum K'a'am xóob.

Ku k'uchul u súutuke', tak u jach p'el juumil ku yantale', ku yéets'taal ichil Estadio de la Torre Eiffel. Chochobkil u cha'anta'al ba'ale' yaan súutuko'obe' talam u yila'al wa ti' yano'obi'.

Le je'ela' jump'éeel ba'al ma' táan u jáan tukulta'al wa je'el u béeytal tu ya'abil le kúuchilo'ob tu'ux ku beeta'al le keetilo'obo'.

Je'el bix tu báaxalil futboole', u seen juum ba'ale' ku beetik u máakal u xikin máak.

Ba'ale' lela' ma' chéen je'el máakalmáak fuutboli'. Báaxal tu'ux yaan máako'ob ma' sáasil u yicho'obi', le beetik le je'ela', jump'éeel ti' u ka'ap'éeel keetilo'ob ich paralímpicos París 2024 tu'ux xmuukule', jach táaj K'aanan.

U báaxalil futbool ti'al máax mina'an u sáasile' yéetel goldole' ku báaxta'al tumen máako'ob mina'an u sáasil u yicho'ob. Kéen p'aatak mina'an jump'éeel ti' le

jo'op'éeel sentidoso', u jeelo'obe' ku kaxtiko'ob bix u yáantik u yóol wíinik. Wa mina'an sáasil tu yich máake', u'uyaje' ku táanilchajal.

Ichil u ka'ap'éeelil le keetilo'obo', ku ts'a'abal ti' le balono' jump'éeel xchikil wa K'olom ti'al u yu'ubal naats' yanik tumen máax'ob ku báaxal. Ajbáaxalo'obe' ku paklan awato'ob ka'alikil u yáalkabiko'ob le tu'ux ku báaxalo'obo', ts'o'oke' máax ku cha'ane' K'a'abéet u makik u chi' tak kéen ts'o'okok le báaxalo'.

/ p 22

Ts'íib yéetel oochel Ap